

Bosna i Hercegovina
Ministarstvo odbrane/obrane



Босна и Херцеговина
Министарство одбране

POLITIKA OBUKE I VOJNE EDUKACIJE
ORUŽANIH SNAGA BOSNE I HERCEGOVINE

Sarajevo, decembar 2006. godine

SADRŽAJ

I	OPĆE ODREDBE	1
1.	Svrha	1
2.	Cilj.....	1
3.	Obim.....	1
4.	Nadležnosti.....	1
5.	Reference.....	2
II	NAMJENA, CILJEVI I SMJERNICE ZA IZVOĐENJE OBUKE I VOJNE EDUKACIJE U ORUŽANIM SNAGAMA BOSNE I HERCEGOVINE	2
1.	Namjena obuke i vojne edukacije	2
2.	Ciljevi obuke i vojne edukacije	2
3.	Smjernice za izvođenje obuke i vojne edukacije	3
III	SISTEM ZA UPRAVLJANJE OBUKOM I VOJNOM EDUKACIJOM U ORUŽANIM SNAGAMA BOSNE I HERCEGOVINE	3
1.	Upravljanje obukom i vojnom edukacijom.....	3
2.	Dokumenti Sistema za upravljanje obukom i vojnom edukacijom.....	4
IV	ODGOVORNOSTI ZA OBUKU I VOJNU EDUKACIJU U ORUŽANIM SNAGAMA BOSNE I HERCEGOVINE.....	5
1.	Nadzor nad svim aspektima obuke i vojne edukacije	5
2.	Odgovornosti Ministarstva odbrane i Oružanih snaga Bosne i Hercegovine	5
V	ZAVRŠNE ODREDBE.....	7
1.	Odgovornosti u prelaznom periodu.....	7
2.	Stupanje na snagu.....	7

Na osnovu člana 13. stav (1) tačke a), o), p) i z) i člana 15. stav (1) tačka a) Zakona o odbrani Bosne i Hercegovine (“Službeni glasnik Bosne i Hercegovine”, broj 88/05), d o n o s i m

POLITIKU OBUKE I VOJNE EDUKACIJE ORUŽANIH SNAGA BOSNE I HERCEGOVINE

I OPĆE ODREDBE

1. Svrha

Politika obuke i vojne edukacije Oružanih snaga Bosne i Hercegovine (u daljem tekstu: Politika) zamjenjuje sve ranije uspostavljene dokumente koji obuhvataju elemente politike obuke i vojne edukacije, te Smjernice za obuku Oružanih snaga Bosne i Hercegovine. Politika je temeljni dokument Sistema upravljanja obukom Oružanih snaga Bosne i Hercegovine.

2. Cilj

Politika definiše i uspostavlja:

- a) namjenu obuke i vojne edukacije u Oružanim snagama Bosne i Hercegovine, opće ciljeve i smjernice za razvoj, upravljanje i izvođenje individualne i kolektivne obuke, te za profesionalni razvoj, edukaciju i stručno-specijalističko usavršavanje pripadnika Oružanih snaga Bosne i Hercegovine,
- b) Sistem za upravljanje obukom i vojnom edukacijom u Oružanim snagama Bosne i Hercegovine i Sistem za podršku obuke i vojne edukacije u Oružanim snagama Bosne i Hercegovine, te propisuje opće ciljeve, zadatke i odgovornosti za razvijanje i upravljanje navedenim sistemima,
- c) nadležnost za izradu i izdavanje dokumenata u Sistemu za upravljanje obukom i vojnom edukacijom u Oružanim snagama Bosne.

3. Obim

Politika se primjenjuje na profesionalno vojno osoblje u Ministarstvu odbrane Bosne i Hercegovine i Oružane snage Bosne i Hercegovine i obavezujuće je prirode.

4. Nadležnosti

- (1) Nadležnosti u oblasti obuke i vojne edukacije u Oružanim snagama Bosne i Hercegovine propisane su Zakonom o odbrani Bosne i Hercegovine i Zakonom o službi u Oružanim snagama Bosne i Hercegovine (“Službeni glasnik Bosne i Hercegovine”, broj 88/05).
- (2) Politiku donosi ministar Bosne i Hercegovine, a za njenu pripremu i ažuriranje, u saradnji sa Sektorom za upravljanje personalom Ministarstva odbrane Bosne i Hercegovine i Zajedničkim štabom Oružanih snaga Bosne i Hercegovine, nadležan je Sektor za politiku i planove Ministarstva odbrane Bosne i Hercegovine.
- (3) Politika se ažurira po direktivama ministra odbrane Bosne i Hercegovine, na godišnjem nivou ili po potrebi, u skladu sa prioritetima za obuku i vojnu edukaciju, trenutnim misijama Oružanih snaga Bosne i Hercegovine ili ograničenjima u budžetu za odbranu.

5. Reference

Pored Zakona o odbrani Bosne i Hercegovine i Zakona o službi u Oružanim snagama Bosne i Hercegovine, referentni normativni akti u oblasti obuke i vojne edukacije u Oružanim snagama Bosne i Hercegovine su:

- a) Zakon o sudjelovanju pripadnika Oružanih snaga Bosne i Hercegovine policijskih službenika, državnih službenika i ostalih zaposlenika u operacijama podrške miru i drugim aktivnostima u inostranstvu ("Službeni glasnik Bosne i Hercegovine", broj:14/05),
- b) Vojna doktrina Oružanih snaga Bosne i Hercegovine (Zaključak Predsjedništva Bosne i Hercegovine, broj: 01-2154-10/03 od 27. novembra 2003 godine),
- c) Doktrina obuke Oružanih snaga Bosne i Hercegovine (Rješenje Ministra odbrane Bosne i Hercegovine, broj: 04-50-828/04 od 29. aprila 2004 godine),
- d) Odluka Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine, broj: 01-011-1110-6/06 od 05. jula 2006 godine.

II NAMJENA, CILJEVI I SMJERNICE ZA IZVOĐENJE OBUKE I VOJNE EDUKACIJE U ORUŽANIM SNAGAMA BOSNE I HERCEGOVINE

1. Namjena obuke i vojne edukacije

Namjena obuke i vojne edukacije u Oružanim snagama Bosne i Hercegovine je:

- a) razviti obučene i spremne pojedince i snage koji su fizički i psihički pripremljeni da uspješno izvrše dodijeljene misije na efikasan, profesionalan, ekonomičan i održiv način,
- b) osigurati postizanje jednog ili više određenih standarda individualnog ili kolektivnog učinka za ispunjavanje dodijeljenih misija.

2. Ciljevi obuke i vojne edukacije

(1) Opći ciljevi obuke i vojne edukacije u Oružanim snagama Bosne i Hercegovine su:

- a) proizvesti visoko profesionalne i obučene oficire, podoficire, vojnike i jedinice koji će biti sposobni za reagovanje u cijelom spektru vojnih operacija kako bi se ispunili zahtjevi postavljeni od institucija Bosne i Hercegovine koje vrše civilnu komandu i kontrolu nad Oružanim snagama Bosne i Hercegovine,
- b) razviti visoko obučeni komandni kadar koji se može brzo prilagoditi promjenjivim okolnostima i osigurati pravovremen i adekvatan angažman jedinica u cilju uspješnog izvršenja dodijeljenih misija,
- c) pružiti realnu i priuštivu obuku u centrima za osnovnu obuku i profesionalni razvoj, lokalnim područjima za obuku i obrazovno-školskim ustanovama.

(2) Ciljevi obuke i vojne edukacije u Oružanim snagama Bosne i Hercegovine trebaju biti:

- a) izraženi pomoću onoga što će pojedinac ili jedinica moći demonstrirati na kraju obuke i vojne edukacije,
- b) detaljno definirani da mogu postati prepoznatljive norme i standardi za odmjeravanje ili procjenjivanje ostvarenih rezultata obuke i vojne edukacije,
- c) realni i ostvarivi, pri čemu činjenica da neki ciljevi ne mogu biti ostvareni ne umanjuje bitno vrijednost obuke i vojne edukacije.

3. Smjernice za izvođenje obuke i vojne edukacije

Opće smjernice za izvođenje obuke i vojne edukacije u Oružanim snagama Bosne i Hercegovine su:

- a) obuku i vojnu edukaciju prioritetno fokusirati na zadatke Oružanih snaga Bosne i Hercegovine definisane Zakonom o odbrani Bosne i Hercegovine,
- b) obuku i vojnu edukaciju planirati i izvoditi u skladu sa Vojnom doktrinom Oružanih snaga Bosne i Hercegovine i Doktrinom obuke Oružanih snaga Bosne i Hercegovine,
- c) planove i programe obuke i vojne edukacije realizirati prema prioritetima, u skladu sa namjenskim sredstvima u budžetu odbrane,
- d) školovanje i stručno-specijalističko usavršavanje pripadnika Oružanih snaga Bosne i Hercegovine u vojnim i civilnim obrazovnim institucijama u zemlji i inostranstvu realizirati u skladu sa zakonskim i podzakonskom propisima koji regulišu ovu oblast.

III SISTEM ZA UPRAVLJANJE OBUKOM I VOJNOM EDUKACIJOM U ORUŽANIM SNAGAMA BOSNE I HERCEGOVINE

1. Upravljanje obukom i vojnom edukacijom

- (1) Radi uspješnog ostvarenja definirane namjene i ciljeva obuke i vojne edukacije u Oružanim snagama Bosne i Hercegovine, Zajednički štab Oružanih snaga Bosne i Hercegovine razvija Sistem za upravljanje obukom i vojnom edukacijom u Oružanim snagama Bosne i Hercegovine (u daljem tekstu: Sistem za upravljanje obukom i vojnom edukacijom) i Sistem za podršku obuke i vojne edukacije u Oružanim snagama Bosne i Hercegovine (u daljem tekstu: Sistem za podršku obuke i vojne edukacije), koji trebaju da:
 - a) pruže podršku obuci u centrima za osnovnu obuku i profesionalni razvoj, lokalnim područjima za obuku i obrazovno-školskim ustanovama, te tokom vježbi, razmještanja i operacija Oružanih snaga Bosne i Hercegovine,
 - b) osiguraju najbolju kombinaciju integriranih resursa za obuku, uključujući poligone za bojevo gađanje, područja za manevar, lokalna područja za obuku, simulacije, pomagala i uređaje,
 - d) osiguraju doktrinarnu publikacije za obuku i vojnu edukaciju koje će usmjeravati komandni kadar u procesu razvoja programa obuke,
 - e) osiguraju primjenu novih tehnologija i drugih raspoloživih mogućnosti u planiranju i realizaciji obuke,
 - f) propišu restrikcije za obuku u cilju poštivanja sigurnosnog aspekta, zaštite okoline i uštede na troškovima obuke,
 - g) osiguraju sistem koji komandnom kadru omogućuje da na svim nivoima odredi postignutu spremnost nakon realizacije obuke,
 - h) osiguraju primjenu NATO standarda i NATO kompatibilnog programa obuke za profesionalni razvoj oficira, podoficira i vojnika na svim nivoima.

- (2) Sistem za upravljanje obukom i vojnom edukacijom se sastoji od:
- planiranja obuke i vojne edukacije,
 - konstituisanja i upravljanja kapacitetima za realizaciju obuke i vojne edukacije,
 - izvođenja obuke i vojne edukacije,
 - standardizacije obuke i vojne edukacije,
 - analize, ocjenjivanja i izvještavanja o rezultatima obuke i vojne edukacije.
- (3) Sistem za podršku obuke i vojne edukacije je podsistem Sistema za upravljanja obukom i vojnom edukacijom, a njegove osnovne funkcije su:
- upravljanje materijalno-tehničkim sredstavima, objektima i drugim konstituisanim kapacitetima za potrebe realizacije obuke i vojne edukacije,
 - upravljanje pomagalicama i uređajima za obuku i vojnu edukaciju,
 - razvoj literature za obuku i vojnu edukaciju.

2. Dokumenti Sistema za upravljanje obukom i vojnom edukacijom

Sistem za upravljanje obukom i vojnom edukacijom uključuje sljedeće dokumente:

- Pravilnik za obuku i vojnu edukaciju u Oružanim snagama Bosne i Hercegovine*, koji obezbjeđuje detaljne upute za implementaciju Politike i Sistema za upravljanja obukom i vojnom edukacijom, uspostavlja procedure za planiranje, izvođenje, standardizaciju, analizu i ocjenjivanje obuke i vojne edukacije, te definira Sistem vojnog obrazovanja koji uključuje programe razvoja karijere pripadnika oružanih snaga. Ovaj Pravilnik priprema i po potrebi ažurira Zajednički štab Oružanih snaga Bosne i Hercegovine,
- Doktrina obuke Oružanih snaga Bosne i Hercegovine*, koja podržava, objašnjava i pokazuje primjere tehnika, procedura i dužnosti za upravljanje obukom i vojnom edukacijom na način definiran Politikom i Pravilnikom za obuku i vojnu edukaciju. Ovu Doktrinu priprema i po potrebi ažurira Komanda za obuku i doktrinu, a odobrava načelnik Zajedničkog štaba Oružanih snaga Bosne i Hercegovine,
- Smjernice za obuku Oružanih snaga Bosne i Hercegovine*, koje pružaju specifične ciljeve, zadatke i uputstva za obuku koja treba da se ostvari, i to prema sljedećem:
 - Zajednički štab Oružanih snaga Bosne i Hercegovine objavljuje Smjernice za obuku Oružanih snaga Bosne i Hercegovine za narednu kalendarsku godinu u oktobru tekuće godine,
 - Operativna komanda Oružanih snaga Bosne i Hercegovine i Komanda za podršku Oružanih snaga Bosne i Hercegovine, na osnovu Smjernica Zajedničkog štaba Oružanih snaga Bosne i Hercegovine, objavljuju Smjernice za obuku i kalendar glavnih događaja obuke za narednu kalendarsku godinu u novembru tekuće godine,
 - na osnovu smjernica nadređenih komandi, komandanti brigada i bataljona objavljuju svoje Smjernice za obuku za prvo polugodište naredne kalendarske godine u decembru tekuće godine, a Smjernice za obuku za drugo polugodište kalendarske godine u junu tekuće godine,

- d) *Terenski priručnici i doktrinarne publikacije*, koje obezbjeđuju smjernice za izvođenje strateških, operativnih i taktičkih operacija Oružanih snaga Bosne i Hercegovine. Ovi priručnici i publikacije olakšavaju komunikaciju između vojnog personala na svim nivoima i pružaju zajedničko razumijevanje o tome kako izvesti operacije i obuku. Pripremaju se i ažuriraju po uputstvima Zajedničkog štaba Oružanih snaga Bosne i Hercegovine. Komandanti Operativne komande Oružanih snaga Bosne i Hercegovine i Komande za podršku Oružanih snaga Bosne i Hercegovine mogu odobriti i objaviti uputstva, priručnike i ostale dokumente za obuku na osnovu Doktrine obuke Oružanih snaga Bosne i Hercegovine,
- e) *Publikacije za podršku obuke*, koje obezbjeđuju direktive i standardne operativne procedure potčinjenim komandama i jedinicama po pitanjima sigurnosti na poligonima i lokalnim područjima za obuku, pitanjima upotrebe sredstava za obuku, te ostalim administrativnim i logističkim procedurama koje se odnose na podršku obuke. Ove publikacije izrađuju komandanti na svim nivoima radi omogućavanja izvođenja sigurne, efikasne i na odgovarajući način podržane obuke,
- f) *Planovi i programi za obuku*, koji obezbjeđuju detaljne rasporede za realizaciju svih oblika obuke i vojne edukacije na vojnim kursovima i u centrima za obuku. Ove planove i programe razvija Komanda za obuku i doktrinu, a odobrava načelnik Zajedničkog štaba Oružanih snaga Bosne i Hercegovine,
- g) *Brifinzi o obuci*, koji pružaju povratnu informaciju nadređenim komandama o obuci koja se izvodila tokom posljednjeg perioda obučavanja, obuci planiranoj za slijedeći period, ukupnom statusu spremnosti i rekapitulaciju standarda obuke. Kriterij standarda obuke i formata brifinga o obuci uspostavlja Zajednički štab Oružanih snaga Bosne i Hercegovine.

IV ODGOVORNOSTI ZA OBUKU I VOJNU EDUKACIJU U ORUŽANIM SNAGAMA BOSNE I HERCEGOVINE

1. Nadzor nad svim aspektima obuke i vojne edukacije

Ministar odbrane Bosne i Hercegovine:

- a) vrši nadzor nad svim aspektima obuke i vojne edukacije,
- b) odobrava Politiku,
- c) odobrava nabavku pomagala, uređaja i materijalno-tehničkih sredstava za potrebe obuke i vojne edukacije,
- d) izdaje periodične direktive načelniku Zajedničkog štaba Oružanih snaga Bosne i Hercegovine, izražavajući prioritete za obuku i vojnu edukaciju u zemlji i inostranstvu,
- e) odobrava obuku i vojnu edukaciju u zemlji i inostranstvu.

2. Odgovornosti Ministarstva odbrane i Oružanih snaga Bosne i Hercegovine

(1) Sektor za politiku i planove:

- a) osigurava usklađenost Politike sa usvojenim politikama u odbrambenom sistemu Bosne i Hercegovine i nadzire provedbu Politike,
- b) učestvuje u definiranju prioriteta za obuku i vojnu edukaciju u zemlji i inostranstvu,

- c) učestvuje u definiranju prijedloga finansijskih sredstava za obuku i vojnu edukaciju u budžetu odbrane,
 - d) osigurava godišnji pregled i ažuriranje Politike u skladu sa definisanim prioritetima za obuku i vojnu edukaciju i odobrenim sredstvima za ovu namjenu u budžetu odbrane,
 - e) osigurava pregled Pravilnika za obuku i vojnu edukaciju u Oružanim snagama Bosne i Hercegovine, Doktrine obuke Oružanih snaga Bosne i Hercegovine i ostalih doktrinarnih publikacija za upravljanje obukom i vojnom edukacijom prije njihovog izdavanja, te predlaže mjere za njihovu usklađenost sa Politikom i drugim usvojenim politikama u odbrambenom sistemu Bosne i Hercegovine.
- (2) Sektor za međunarodnu saradnju:
- a) daje prijedloge za obuku i vojnu edukaciju pripadnika Oružanih snaga Bosne i Hercegovine u vojnim i civilnim obrazovnim institucijama u inostranstvu,
 - b) pruža pomoć prilikom upućivanja i koordinacije učešća pripadnika Oružanih snaga Bosne i Hercegovine u aktivnostima obuke i edukacije u inostranstvu.
- (3) Sektor za upravljanje personalom:
- a) učestvuje u definiranju prioriteta za obuku i vojnu edukaciju u zemlji i inostranstvu,
 - b) učestvuje u definiranju prijedloga finansijskih sredstava za obuku i vojnu edukaciju u budžetu odbrane,
 - c) vrši pregled dokumenata u Sistemu za upravljanje obukom i vojnom edukacijom u Oružanim snagama Bosne i Hercegovine radi osiguranja usklađenosti sa prioritetima i odobrenim sredstvima za obuku i vojnu edukaciju u budžetu odbrane,
 - d) učestvuje u ažuriranju Politike.
- (4) Sektor za nabavku i logistiku:
- a) učestvuje u definiranju finansijskih sredstava u budžetu odbrane za nabavku odobrenih pomagala, uređaja i materijalno-tehničkih sredstava za potrebe obuke i vojne edukacije,
 - b) osigurava nabavku odobrenih pomagala, uređaja i materijalno-tehničkih sredstava za potrebe obuke i vojne edukacije.
- (5) Sektor za finansije i budžet:
- a) u procesu izrade prijedloga budžeta odbrane osigurava zastupljenost sredstava za potrebe izvođenja obuke i vojne edukacije, te objedinjava prijedloge sredstava za ovu namjenu,
 - b) osigurava pravovremenu dodjelu sredstava iz budžeta odbrane za potrebe izvođenja obuke i vojne edukacije.
- (6) Zajednički štab Oružanih snaga Bosne i Hercegovine:
- a) naređuje izvršenje aktivnosti u skladu sa poglavljima II i III Politike,
 - b) učestvuje u definiranju prioriteta za obuku i vojnu edukaciju u zemlji i inostranstvu,
 - c) po uputama Ministarstva odbrane Bosne i Hercegovine, nadzire pripremu prijedloga finansijskih sredstava za obuku i vojnu edukaciju u budžetu odbrane,
 - d) odobrava, osigurava uslove i nadgleda sve aktivnosti planiranja i izvršenja obuke i vojne edukacije, u skladu sa sredstvima odobrenim u budžetu odbrane,
 - e) podnosi ministru odbrane Bosne i Hercegovine periodične izvještaje o obuci i vojnoj edukaciji u Oružanim snagama Bosne i Hercegovine.

(7) Komande Oružanih snaga Bosne i Hercegovine na svim nivoima:

- a) izvode specifične dužnosti definirane poglavljima II i III Politike,
- b) nadziru planiranje i izvođenje obuke i vojne edukacije u komandama i jedinicama iz svoje nadležnosti, te odgovaraju za spremnost za izvršenje dodjeljenih misija,
- c) ocjenjuju sposobnosti i u lancu komande i kontrole izvještavaju o spremnosti komandi i jedinica iz nadležnosti.

V ZAVRŠNE ODREDBE

1. Odgovornosti u prelaznom periodu

Do uspostave Komande za podršku Oružanih snaga Bosne i Hercegovine i Komande za obuku i doktrinu, aktivnosti iz nadležnosti ovih komandi realizirat će Zajednički štab Oružanih snaga Bosne i Hercegovine.

2. Stupanje na snagu

Politika stupa na snagu danom donošenja.

Broj: 06-05-4-215/07
Sarajevo, 18-01-2007. godine



MINISTAR

Nikola Radovanović